

UNIVERZITET U SARAJEVU

FILOZOFSKI FAKULTET

Broj: 01-04/32

Sarajevo, 30. 3. 2020. godine.

Na osnovu člana 136. Zakona o visokom obrazovanju ("Službene novine Kantona Sarajevo", broj: 33/17.), člana 108. Statuta Univerziteta u Sarajevu, a u vezi sa Odlukom Vlade Federacije Bosne i Hercegovine o proglašenju nesreće uzrokovane pojavom koronavirusa (COVID-19) na području Federacije BiH od 16. 3. 2020. godine, Naredbom Ministarstva za obrazovanje, nauku i mlade Kantona Sarajevo, broj: 11-34-8727/20 od 24. 3. 2020. godine i Odlukom Senata Univerziteta u Sarajevu, broj: 01-5-113/20 od 25. 3. 2020. godine, a u cilju zaštite zdravlja i prevencije zaraze koronavirusom (COVID-19) svih studenata i zaposlenika Filozofskog fakulteta Univerziteta u Sarajevu, dekan Filozofskog fakulteta Univerziteta u Sarajevu, *izdaje slijedeće*

### U P U T S T V O

1. Nastavlja se primjena Naredbe Ministarstva za obrazovanje, nauku i mlade Kantona Sarajevo, broj: 11-34-8727/20 od 24. 3. 2020. godine, u pogledu izvođenja nastavnonaučnog procesa na Filozofskom fakultetu Univerziteta u Sarajevu, kao i odlukâ Senata Univerziteta u Sarajevu i Vijeća Filozofskog fakulteta Univerziteta u Sarajevu, te dekana Fakulteta.
2. Akademska kalendar Filozofskog fakulteta Univerziteta u Sarajevu za studijsku 2019/2020. godinu, neće se mijenjati u pogledu utvrđenih rokova za izvršavanje utvrđenih obaveza, osim u dijelu koji se odnosi na održavanje sjednica Vijeća Fakulteta i održavanje provjera znanja studenata u skladu sa izdatim naredbama.
3. Nastavnici, saradnici i ostali uposlenici Fakulteta obavezni su izvršavati svoje radne obaveze u skladu sa navedenim odlukama, naredbama i uputstvima.
4. Nastavnonaučni proces koji se ne bude realizirao ili ga nije moguće realizirati *online*, mora se u potpunosti realizirati po sticanju uslova, a u saradnji sa Studentskom asocijacijom Filozofskog fakulteta Univerziteta u Sarajevu (STAFF-om).
5. Neophodno je da svi nastavnici prihvate prijave studenata koji studiraju po predbolonjskom sistemu studiranja, te da im omoguće *online* polaganje ispita prema objavljenim ispitnim rokovima.  
O načinu provjere ispita dostavit će obavještenje šefu odsjeka/katedre.  
Ukoliko nastavnici nisu u mogućnosti organizirati ispit na gore opisani način dužni su predložiti način polaganja ispita i o tome obavijestiti šefa odsjeka/katedre.
6. Polusemestralna provjera znanja za studente koji studiraju po Bolonjskom sistemu studiranja održaće se u devetoj sedmici nastave, uz obezbjeđenje prethodnih neophodnih konsultacija.
7. Način polaganja ispita za studente koji studiraju po Bolonjskom sistemu može se organizirati *online*, uz uslov da svaki nastavnik odredi način polaganja, procijeni da li su se stekli uvjeti za polaganje ispita i o tome obavijesti šefa odsjeka/katedre Fakulteta.
8. Nastavnici i saradnici imaju obavezu da čuvaju sve materijalne dokaze o izvođenju *online* nastave i provjere znanja studenata.

DEKAN FAKULTETA

Prof. dr. Muhamed Dželilović

